

BOSNIA AND HERZEGOVINA
FEDERATION OF BOSNIA AND HERZEGOVINA
GOVERNMENT

Broj: 03-02-377-1/2020
Sarajevo, 30.04.2020. godine

**PARLAMENT FEDERACIJE
BOSNE I HERCEGOVINE**

- Predstavnički dom-
gosp. Mirsad Zaimović, predsjedavajući
- Dom naroda –
gosp. Tomislav Martinović, predsjedavajući

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljene:	04 -05-2020		
Org. jed.	B r o j	Priloga	Vrijednost
01.02	02-	879	20

X20

Poštovani,

Na osnovu člana 7. Zakona o kontroli cijena („Službene novine Federacije BiH”, br. 2/95 i 70/08), u prilogu Vam dostavljam INFORMACIJU O DONOŠENJU ODLUKA O PROPISIVANJU MJERA NEPOSREDNE KONTROLE CIJENA PROIZVODA OD INTERESA ZA FEDERACIJU BOSNE I HERCEGOVINE, koju je Vlada Federacije Bosne i Hercegovine usvojila na 221. sjednici, održanoj 30.04.2020. godine.

S poštovanjem,



Na osnovu člana 19. stav (4) Zakona o Vladi Federacije Bosne i Hercegovine („Službene novine Federacije BiH“, br. 1/94, 8/95, 58/02, 19/03, 2/06 i 8/06), Vlada Federacije Bosne i Hercegovine na 221. sjednici, održanoj 30.04.2020. godine, d o n o s i

Z A K L J U Č A K

1. Usvaja se Informacija o donošenju Odluka o propisivanju mjera neposredne kontrole cijena proizvoda od interesa za Federaciju Bosne i Hercegovine.
2. Informaciju iz tačke 1. ovog Zaključka, prema članu 7. Zakona o kontroli cijena, Vlada Federacije Bosne i Hercegovine će dostaviti Parlamentu Federacije Bosne i Hercegovine.
3. Ovaj zaključak stupa na snagu danom donošenja.

V. broj: 601 /2020
30.04.2020. godine
Sarajevo



BOSNIA AND HERZEGOVINA
FEDERATION OF BOSNIA AND HERZEGOVINA

GOVERNMENT

Temeljem članka 19. stavak (4) Zakona o Vladi Federacije Bosne i Hercegovine („Službene novine Federacije BiH“, br. 1/94, 8/95, 58/02, 19/03, 2/06 i 8/06), Vlada Federacije Bosne Hercegovine na 221. sjednici, održanoj 30.04.2020. godine, d o n o s i

Z A K L J U Č A K

1. Usvaja se Informacija o donošenju Odluka o propisivanju mjera neposredne kontrole cijena proizvoda od interesa za Federaciju Bosne i Hercegovine.
2. Informaciju iz točke 1. ovog Zaključka, prema članku 7. Zakona o kontroli cijena, Vlada Federacije Bosne i Hercegovine će dostaviti Parlamentu Federacije Bosne i Hercegovine.
3. Ovaj zaključak stupa na snagu danom donošenja.

V. broj: 001 /2020
30.04.2020. godine
Sarajevo



BOSNIA AND HERZEGOVINA
FEDERATION OF BOSNIA AND HERZEGOVINA

GOVERNMENT

На основу члана 19. став (4) Закона о Влади Федерације Босне и Херцеговине („Службененовине Федерације БиХ“, бр. 1/94, 8/95, 58/02, 19/03, 2/06 и 8/06), Влада Федерације Босне Херцеговине на 221. сједници, одржаној 30.04.2020. године, д о н о с и

ЗАКЉУЧАК

1. Усваја се Информација о доношењу Одлука о прописивању мјера непосредне контроле цијена производа од интереса за Федерацију Босне и Херцеговине.
2. Информацију из тачке 1. овог Закључка, према члану 7. Закона о контроли цијена, Влада Федерације Босне и Херцеговине ће доставит Парламенту Федерације Босне и Херцеговине.
3. Овај закључак ступа на снагу даном доношења.

В. број: 601 /2020
30.04.2020. године
Сарајево



BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO TRGOVINE
MOSTAR

INFORMACIJA

**O DONOŠENJU ODLUKA O PROPISIVANJU MJERA
NEPOSREDNE KONTROLE CIJENA PROIZVODA OD
INTERESA ZA FEDERACIJU BOSNE I HERCEGOVINE**

Mostar, april /travanj 2020. godine

Zakonom o kontroli cijena („Službene novine Federacije BiH“, broj 2/95 i 70/08), uređuju se odnosi u kontroli cijena i usluga na jedinstvenom tržištu Federacije Bosne i Hercegovine i utvrđuju prava i obaveze nadležnih organa Federacije, kantona, grada i općine u vršenju kontrole cijena.

Odredbama člana 4. Zakona o kontroli cijena određene su mjere koje se mogu propisati i to: određivanje najvišeg nivoa cijena, zadržavanje cijena na određenom nivou (zatečene cijene), davanje saglasnosti na cijene, odnosno tarife, utvrđivanje marži u trgovini (kalkulativne cijene) i obavještavanje o promjeni cijena i marži za proizvode i usluge (evidencija cijena).

U skladu sa članom 7. Zakona o kontroli cijena, Vlada Federacije Bosne i Hercegovine dužna je u roku od 15 dana obavjestiti Parlament Federacije BiH o propisivanju mjere neposredne kontrole cijena.

U daljem tekstu navedene su Odluke o mjerama neposredne kontrole cijena koje je Vlada Federacije Bosne i Hercegovine donijela u periodu od 16.03. do 09.04. 2020 godine.

I. Odluka o mjerama neposredne kontrole cijena kojom se cijene zadržavaju na nivou zatečenom na dan 5.3.2020.godine („Službene novine Federacije BiH“, broj; 21/20)

Vlada Federacije Bosne i Hercegovine je, na 214. tematskoj sjednici održanoj 16.3.2020. godine, donijela Odluku o proglašenju nesreće u Federaciji BiH zbog pandemije bolesti COVID-19 uzrokovane korona virusom SARS-CoV2.

Nakon proglašenja nesreće u Federaciji BiH, epidemiološka situacija u svijetu i Bosni i Hercegovini bila je veoma složena i ocijenjeno je da može dovesti do značajnih poremećaja ponude i potražnje na tržištu i poremećaja u kretanju i odnosima cijena.

Također je ocijenjeno da je, u cilju zaštite ekonomskih interesa građana, potrebno prevenirati nerealno utvrđivanja cijena i suzbiti eventualno nepošteno ponašanje trgovaca.

Na istoj sjednici je Vlada Federacije BiH, na prijedlog federalnog ministra trgovine, donijela Odluku kojom je utvrdila postojanje uslova za propisivanje mera neposredne kontrole cijena na području Federacije BiH, a kao mjeru ove kontrole propisala je za pojedine proizvode **zadržavanje cijena na nivou zatečenom 5.3.2020.**

Prema ovoj Odluci su privredna društva i druge pravne i fizičke osobe koje obavljaju trgovinu na veliko i trgovinu na malo bile obavezne da za proizvode navedene u Listi koja je sastavni dio Odluke primjenjuju cijene na nivou zatečenom na dan 5.3.2020. godine.

Vlada Federacije BiH je, navedenom Odlukom, zadužila Federalno ministarstvo trgovine i Federalnu upravu za inspekcijske poslove da intenzivno prate kretanje

cijena te, da u slučajevima eventualnog nezakonitog i neutemeljenog povećanja cijena i mogućih zloupotreba hitno poduzmu mjere iz svoje nadležnosti i o tome informiraju Vladu Federacije Bosne i Hercegovine.

II. Odluka o mjerama neposredne kontrole cijena kojom se, za pojedine proizvode, propisuje utvrđivanje marži u trgovini (kalkulativne cijene), (V.broj:517 /2020 od 9.4.2020. godine).

Kao mjeru neposredne kontrole cijena Vlada Federacije Bosne i Hercegovine je, na 218. sjednici održanoj 9.4.2020 godine, donijela Odluku kojom se, za pojedine proizvode, propisuje **utvrđivanje marži u trgovini (kalkulativne cijene)** tako da ne prelaze nivo marži tih proizvoda na dan **05.03.2020. godine**.

Donošenjem ove Odluke stavljena je van snage prethodna Odluka o mjerama neposredne kontrole cijena kojom se cijene zadržavaju na nivou zatečenom na dan 5.3.2020.godine („Službene novine Federacije BiH“, broj: 21/20).

Odlukom od 09.04.2020. godine, Vlada Federacije BiH je propisala da su pravne i fizičke osobe koje obavljaju trgovinu na veliko i trgovinu na malo obavezne za proizvode u nadležnosti Federacije Bosne i Hercegovine, kantona, grada, kao i za ostale životne namirnice, osnovne higijenske proizvode i druge proizvode navedene u ovoj Odluci, **utvrditi i primjenjivati marže koje su bile na dan 5.3.2020. godine**.

Razlog za donošenje ove nove Odluke je činjenica da je, nastupom izvanrednih okolnosti u Federaciji BiH uzrokovanih širenjem virusa SARS-CoV2, došlo do prekomjerne kupovine određenih vrsta prehrambenih i higijenskih proizvoda i stvaranja zaliha od strane građana što je moglo uzrokovati vještačku nestašicu određenih proizvoda na tržištu.

U takvoj su situaciji trgovci uložili dodatne napore da osiguraju kontinuitet u snabdijevanju.

Većina trgovaca je za određeni period imala zalihe proizvoda u svojim skladištima a za nedostajuće robe su vršili kontinuirane nabavke te je na taj način održan uredan lanac snabdijevanja potrošača u Federaciji BiH.

Također je bitno istaći da je Vlada Republike Srpske 30.03.2020. godine propisala istu mjeru, odnosno donijela Uredbu o propisivanju mjere neposredne kontrole cijena kojom se ograničavaju marže svih učesnika u lancu snabdijevanja proizvodima tako da ne prelaze nivo marži tih roba na dan **05.03.2020. godine**.

Navedena Uredba je stupila na snagu 2.4.2020. godine.

Usaglašavanje propisa na nivou entiteta i Brčko distrikta BiH posebno je važno zbog činjenice da se radi o jedinstvenom ekonomskom prostoru koji je posebno u tržišnom smislu usko povezan.

III. Odluka o mjerama neposredne kontrole cijena kojom se propisuje maksimalna veleprodajna i maloprodajna marža za naftne derivate (V.broj:515 /2020 od 09.04.2020. godine)

Na istoj sjednici održanoj 9.4.2020 godine, Vlada Federacije BiH je donijela Odluku kojom se, privrednim društvima koja obavljaju trgovinu na veliko i trgovinu na malo naftnim derivatima, propisuje maksimalna veleprodajna marža u apsolutnom iznosu u visini od 0,06 KM/litru derivata i maksimalna maloprodajna marža u apsolutnom iznosu u visini od 0,25 KM/litru derivata.

U periodu mart-april 2020. godine, zabilježen je dramatičan pad cijene barela sirove nafte na svjetskom tržištu kao posljedica pandemije koronavirusa i globalnog smanjenja ekonomskih aktivnosti i potražnje za naftom na svjetskom tržištu.

Rafinerije u okruženju svoje cijene obračunavaju u odnosu na berzu naftnih derivata a za obračun u južnoj Evropi (uključujući BiH) koristi se Platts European Marketscan, mediteranska berzanska kotacija CIF MEDITERAN Genova/Lavera. U navedenom periodu je zabilježen pad rafinerijskih cijena u okruženju i pad veleprodajnih cijena derivata na tržištu Federacije BiH.

Međutim, bez obzira na navedeno, određeni broj benzinskih pumpi je, u periodu mart-april, prijavljivao veoma visoke maloprodajne cijene i visoke marže koje su u maloprodaji dostizale i 0,50 KM/litar. Ovo se posebno odnosilo na pojedine uvoznike i veletrgovce koji imaju visok postotak učešća u ukupnom uvozu naftnih derivata u Federaciju BiH (87,84 %) a koji su i vlasnici oko 22 % ukupnog broja benzinskih pumpi u Federaciji BiH (689).

Uputstvom o načinu, sadržaju i rokovima dostave obavještenja o promjeni cijena i marži za određene proizvode i usluge („Službene novine Federacije BiH“, br. 20/19), propisano je da sve benzinske pumpe elektronskim putem dostavljaju Federalnom ministarstvu trgovine obavještenja o promjeni cijena i marži tako da su sve ove činjenice bile lako provjerljive u realnom vremenu na aplikacijama Ministarstva, odnosno na web aplikaciji eopc.fmt.gov.ba i mobilnoj aplikaciji: FMT FBiH oil info.

Donesena mjera utvrđivanja maksimalnih veleprodajnih i maloprodajnih marži ima za cilj zaštitu ekonomskih interesa građana i sprječavanje špekulativnog i neodgovornog ponašanja trgovaca naftnim derivatima u Federaciji BiH.

Vlada Federacije BiH je zadužila Federalno ministarstvo trgovine da, u slučaju izostanka očekivanih efekata navedene mјere neposredne kontrole cijena, pripremi zakonom predviđeni model određivanja najvišeg nivoa maloprodajnih cijena za promptno razmatranje i odlučivanje na sjednici federalne vlade.

Neposredan nadzor nad provedbom i ove Odluke vrši nadležna inspekcija i izještava resorno ministarstvo o eventualnim promjenama.

U toku je inspekcijski i kontrolni nadzor vezano za primjenu ove Odluke a prema zadnjem saopštenju za javnost Federalne uprave za inspekcijske poslove u periodu od 15.marta do 21.aprila 2020. godine, izvršeno je 258 inspekcijskih nadzora, te 181 kontrolni nadzor na benzinskim pumpama, u apotekama i drugim prodajnim

objektima. Utvrđena su 292 prekršaja što podrazumijeva izdavanje 292 prekršajna naloga u iznosu od 487.950 KM. Kod 181 subjekta nadzora nisu utvrđene nepravilnosti u poslovanju, odnosno utvrđeno je da prijave građana nisu bile utemeljene.

Zbog činjenice da se radi o jedinstvenom ekonomskom prostoru i ova mјera je , kao i sve prethodne mјere neposredne kontrole cijena, prethodno usaglašena na nivou entiteta i Brčko distrikta BiH.

Vlada Republike Srpske je također, dana 9.4.2020.godine, donijela Uredbu o propisivanju mјere neposredne kontrole cijena kojom je propisana maksimalna veleprodajne marža u visini od 0,06 KM po litru derivate i za trgovce na malo maksimalna maloprodajna marža u visini od 0,25 KM po litru derivate.

Budući da je Vlada Federacije Bosne i Hercegovine obavezna u roku od 15 dana obavijestiti Parlament Federacije BiH o propisivanju mјere neposredne kontrole, predlažemo Vladi Federacije BiH da usvoji ovu Informaciju i donese zaključak koji je njen sastavni dio.